



國朝詩觀卷七

瑞州新昌王錫大韓伯編次

男霖校字

魯成龍

字在田新城人乾隆戊辰進士魯任懷柔東嶺令著有雲崖詩草

望金山寺

一棹迢迢沂水濱。江心孤嶼媚清淪。海門日射龍宮曉。金碧天開鹿苑春。白水浪花搖塔影。寒潮古寺老禪身。風光瞥眼輕帆過。夢裡鐘聲聽幾巡。

氣魄
沒雄

漂母祠

憶得王孫到此遊。飄搖蘆荻古祠秋。千金異日猶

能振一飯當年不自謀人去釣臺雲漠漠雁飛淮
水月悠悠英雄冷落常如此無限烟波送客愁

無限
寄慨

嚴子陵釣臺

高士何為者山風盡上初故人無厚薄老子自迂
疎明月披烟水秋風冷灑廬九京如可作還共樂
樵漁

湘簾

自愛湘陰竹一筒織才薄曲甚玲瓏蝦鬚半捲春
光麈燕子總歸曲徑通院外海棠風綽約階前楊

柳。月空濛佳人笑倚朱欄畔指點青山畫閣中。

雅艷似
溫李

輓同年江培上

弱歲從君始恩情兩不知如何乘鶴日即屬夢蛇
時公卒已
巳四月白髮高堂淚前燈寡婦悲江花今落盡

別恨悵遺詞

已已余何嘆亡之命矣夫劉蕢嗒落第崔曙泣星
孤公止
一女世事隨流水天涯各異途交情生死變古
道到今無

湘潭遇風

國朝詩集
楚澤茫如此扁舟且獨征。一江吹浪白雙杵。激風
鳴忠信。憑吾素。波濤底事驚。瀟湘流日夜。不盡古
今情。一氣貫注
純乎杜律

舟近長沙阻風不至

一艇泝湘江。停橈望古驛。日下楚山陰。雲湧水天
碧。隱隱隔樹村。依依寒波客。秋色蒼然暮。平沙落
雁白。

弔賈長沙

風飄飄。雨瀟瀟。湘水亦流碧。浪搖傳道賈生謫。此
秋草淒兮水蕭條。生逢有道主。將相列如麻。君何

為兮。長沙西望。長安不見家。古用可憐年少泣。凶鵬

一代風流歸空谷。湘江漢女舞且歌。長天秋水人

如玉。俯仰
情爰

弔三閭大夫

水有淚兮山有淚。日晶晶兮夜悠悠。玄猿哭兮白
雁哀。思君不見兮望遠愁。七雄龍鬪兮縱橫滿路。
衆芳搖落兮美人遲暮。薜荔兮蘭蕙。萎浮雲蔽
日兮胡不寤。九重萬里不可達兮。我欲叩之閻者。
怒君不行兮猶夷泊中流。兮何之。抱龜鼉兮駕雲
螭。仙之人兮游戲湘竹。青兮楚山紫。沅水東流兮

無盡時

以騷句吊
騷客妙妙

楚中懷古

零陵幾郡訪遺蹤。戰代頻年見燧烽。西蜀五侯都似虎。南陽一士迺真龍。雲愁遠渚清流碧。日落平沙綠樹濃。堪嘆三兮扶漢鼎。恨無片策制吳儂。

耒陽縣弔杜工部

有墓在焉

秋草萋萋頃耒陽。高天學地墓文章。嶙峋作客身憐瘦。慷慨憂時鬢欲霜。千里巴山供醉眼。一江錦水濯愁腸。嚴公去後無消息。終教流離老楚湘。

將赴安福過洞連湖

蒼茫湖水接雲端。楚客相思憶芷蘭。鳥渡夕陽千里浸。龍吟風雨一江寒。美人公子空惆悵。漢女湘妃竟渺漫。欸乃漁歌何處響。天高明月夜團團。

星沙留別

昨夜歸鴻響遠天。美人湘浦意流連。秋風吹入離亭去。兩岸蘆花月半船。

維揚懷古

隋堤古木拂晴沙。楊柳毵毵水一涯。五代干戈殘玉樹。六宮歌舞醉瓊花。濤聲夜半迎秋急。簫管天中送月斜。廿四橋邊春色老。沈寥暮景叫棲鴉。

悲涼可抵
蕪城一賦

運丁吟

五日飽一餐。十日飽一宿。揚子江頭險浪過。黃淮
河裡水勢束。閘口湍高不可上。長繩急下挽飛粟。
伐鼓鳴金散未已。十萬戍兵走鹿鹿。居者安衽席。
行者自勞瘁。問我役此久。何為苦。是官家有督責。
近聞漕政釐且平。天朝撫御甚分明。為語吾曹
須努力。司農憐我如父兄。

南陽道中

薄暮征帆暇。水聲喧澗溪。雨疎殘照落。柳密一鶯

啼。汶泗通流急。青徐入望迷。兒童偏自浣。浴水戲

河西。絕似
王孟

瘦馬行

百里嶠嶇遍。白日火雲徂。予長途間。我馬疲不
行。肥馬猶蹀躞。瘦馬獨俛仰。鈴聲心斷絕。飲泣不
敢鳴。晚道來遲遲。主人鞭責之。俛首謝主人。吾生
苦且悲。欲飲不言渴。欲食竟忘饑。殷勤公私役。去
去無已時。骨髓既已盡。馬用敲朴為客行。東阿道
前山峽耳。噦耶為瘦馬行。用作牧夫規。
惻然仁
者之言

古北口長城懷古

飛花簇簇起寒風。截業長城一望中。門鎖南天千
仞壯。雲開北口萬山雄。鰲碑幾處留遺壘。雉堞他
年想戰功。城上暮鴉啼不住。秦關漢月到今同。

雄壯亦似長城

謁成介愍公墓

諱德明武庫司主事死崇正之難墓在懷柔鳳林山

溫陽父老久周旋。俎豆輝光道昔賢。碧血當時依
故主。青魂此日把遺阡。一門忠孝為君憐。一門百世箕裘為我憐
三孫一為道士一傭工一出繼余
義學并捐百金為婚娶計余亦牧豕蘇土者。鳳林曷以慰幽泉。
河決登冀州城望水

獨陟危樓四望通。茫茫巨浸接蒼穹。溪邊楊柳搖
波綠。天際流霞映水紅。遠渡無人虛夜月。古堤有
雁叫。秋風瘡痍滿目情何極。寥闊孤城晚照中。

謁董相祠

大雅風微道渺茫。先生崛起振頽綱。六經表裏乾
坤壯。三策天人日月光。客去故園雲漠漠。鴉棲古
廟木蒼蒼。廣川一辨留明德。寥泐山清與水長。

偉麗確切

涂以轍

字守約新城縣諸生

水仙為景綵王賦

銀蒜。暖。垂。護。曉。風。萼。華。絕。降。蕊。珠。宮。綃。衣。柳。汁。春
先。染。玉。帳。梅。花。夢。已。空。清。洛。塵。生。波。半。蹙。蒼。梧。淚
盡。瑟。三。終。水。仙。合。作。才。人。供。冰。醜。鈎。詩。日。日。同。

題邱子超小照

音。空山一片石。兀坐觀古今。獨有雙梧樹。秋風生鳳

步韵呈黃素堂夫子

高寒一閣出。圓碧四天垂。月鑑明如洗。風林氣欲
移。同心聯桂籍。芳意亂蘭卮。韵語及秋士。闕門屬
和遲。

西風門巷寂。連宇負東城。筮見龍無德。將雛鳳有
聲。病魂知畏濕。秋色不嫌清。一片緇帷月。馳情聽

漏更。

清新絕塵

雪中同人用坡公聚星堂雪韵仍禁體

天孫妙手裁雲葉。繁花着地開祥雪。千點萬點勢
廻斜。得寸得尺風凝絕。衝寒買酒僮欲僵。呵凍為
書指應折。須臾密洒鴻爪平。等閑堆綴牛涔滅。城
荒但有飢鳥飛。山空不教饒鷹擊。乍喜霏霏撲畫
簾。更宜陣陣侵紅纈。湖天擊鉢抽秘思。春暑圍爐
熱香屑。新年懷抱冷于冰。羈旅光陰迅若瞥。醉翁

為政本風流。千秋好事紛傳說。約成奇句。驚座人。
白。戰宵酣筆如鉄。純雅出以勁健

送別黃醒辰補官之蜀

花月春城晝靄迷。驪歌初唱曉雲低。將離柳待橋
邊折。留別詩先卷裡題。鵬向長風翻健翼。駒懷遠
道展雄思。錦城消息高梧在。晴碧千尋拂舊棲。
叱馭還驅蜀坂泥。羹嘗玉糝勝金齏。人為努力門
中鳳。心薄杼胡水面鵝。魚復花沒遮故壘。蠶崖雨
霽認前題。細侯行處兒童熟。伺候耶筒喚酒奚。
蜀山萬點夾青谿。蟻穴人家高渡低。囊有一琴行

自撫。政如三異古堪稽。斜陽牧笛歸春犢。積雨炊
煙報午鷄。黼黻太平以管化。赤城輿祝達璇題。
政間長自葆天倪。整頓牙籤萬軸稽。載酒元亭揮
麈話。浣花吟閣索箋題。高秋早振搏空鷲。幽谷還
憐照水鷄。別後星雲相憶處。繞梁蟾魄看初圭。

鄱湖望廬山

春漲平湖渺漫中。匡廬倒影霧空濛。千年面目何
人識。萬里雲霄有路通。攬勝忽然舒病眼。催程兼
復起長風。布帆斜挂鞋山去。山外晴波落日紅。

七言皆靜
細鍾錄

蔡毓元

字長之新昌人太學生需次縣佐著有雲籬詩草

田家

連隴散鷄豚。迴塘放鵝鴨。露冷桑竹疎。草長秋迳狹。夜斷里胥呼。日滿漁樵狎。荆扉大熟眠。茅宇雲時壓。村翁與老妻。相對語歡洽。今歲黍稌多。春醪儘堪呷。
不減儲柳風韻

春夜

空館懶張燈。以月盟夜永。曙色五更闌。花貌俱齊整。

山梅

空山冷韻只孤標。瘦極花疎境界超。枕石寒分松上月。流泉香暗竹邊篔簹。吹玉笛。魂初返。首領芳春雪未消。最愜袁安籬舍伴。臥餘吟興箇中饒。

春思

紅紫千萬林。半闌松柏地。思到松柏貞。看醒紅紫媚。
見道者言

筠城與贊府金石齋溪遊返棹賦贈

暮雨江風定。舟回進水門。遠鐘松外寺。多屋市南村。花事經三月。春情已十番。明朝還約棹。欲認武陵源。

瑞城夜懷

八月涼風起。蕭蕭木葉翻。秋燈碧落巷。夜雨錦江門。
聯絡詩誰客。飄零酒獨樽。醉酣思長老。花竹在東軒。

雪夜睡起得興東熊也庵

灰劫茫茫雲振林。寒威攪夜逼孤衾。燈殘簾靜意
鳴紙析。斷風嚴。碎響琴。坐醒披衣呵硯凍。聞香得
白索梅吟。悠然憶就山陰士。相証冰腸白雪心。

興會不淺

新柳

鳳陽晴彩麗金絲。洒洒烟霏綠蘸池。翡翠不知憐
力軟。一雙飛上倒垂垂。
鮮艷

醉歸毘盧菴

約酬村市醉歸歡。花露無聲洒石欄。僧罷夜參魚
鐸靜。月留清照水軒寒。嘯聞山鬼人孤榻。啼斷野
猿竹數竿。閣上風幡。閣不動。妙香心領一爐殘。

石門曉望

久雨扁春色初晴。放好風行隨。垂柳綠坐認落花
紅。鳥管翻新調。苔錢剪碧銅。不知遊客蚤。已開石
門中。

新春北郊別墅留贈陳居士

松深亭轉澗之濱。架有琴書不謂貧。籬下雪消花
本出。塔前粒食鷓鴣馴。山為畫意添峰秀。鳥變春
聲作調新。好築層樓高百尺。蓬萊仙監此棲身。

石門歌

三五村侶時攜步。知我好遊石門路。石門終古長
閉關。薜荔織絡霏烟霧。牧童敲火揚微光。牛礪其
角鳴音錄。混沌何年鑿未破。幾歷帝代汲風霜。科
頭箕踞坐起舞。崔錯父觚松交古。奔濤響落湘靈
絃。宛矣神情登天姥。燭龍啣斷秋暉紅。餘霞麗
危

流波空乍亂。漁燈棹謳發。歸鴈數聲蘆荻風。如此
景地匪易有。直須歧向候月久。驀見若士竦身來。
洞天石扇訇然開。領隼群仙紛紛下。霓為衣裳風
為馬。麻姑供饌毛女炊。王喬駕鶴吹笙把。柏肩洪
崖挹浮邱。頭接玉漿向杯瀉。恨星月之精華。忽慘
淡而雲遮。似幻蝶之故事。竟躑躅而心嗟。吁咄哉。
五公七相。今何是。西看落日東流水。日落水流無
還期。頭上白雪催人駛。如彭之齒。時之齡亦淺。不
見居幽寘。三命終窮隘。百年誰歷滄海轉。桑田前
人秉燭良。有以請君遊樂。曰同此。

結更
林為

國朝詩集 卷之九
秋夜同熊信及胡軼羣飲集市樓

暮色魚鹽市。鐘聲薜荔菴。秋江紅落水。魯酒綠香
飮。放逴聯桑悅。敲吟接柳悵。一聲長笛起。醉散月
更三。

仲秋移翁得雨欣然有題

掘得柴桑本。分栽向草堂。恰逢零雨好。無患帶根
傷。老圃城中占。秋山屋裡當。天心應愛惜。傲骨匪
尋常。

新春曲林山房即事

嶺勢挿天空。朝暎半蔽紅。陰巖埋臘雪。古屋貯松

風。春遲去聲寒梅島。眼疎苦竹叢。隔溪橋畔廟。賽祝

鼓逢逢。

農叟頻相遇。桑麻話有情。蕭蕭猶木葉。瑟瑟似秋

殺。出谷雲無定。棲林鳥不驚。潺湲聽日夜。泉水在

山清。

遠岫溪春碓。蒼苔石點錢。山幽廬小闔。人靜犬高

眠。樵唱丁丁斧。水流漠漠田。興來攀峭壁。元度體

欣便。

萬杉濃綠護。深處縛茅堂。檻外濛濛雨。村間日日
觴。牛羊歸晚岫。狐鼠入陰房。夜坐春寒重。龕燈耿

耿光 寫境畢肖

舟過鄱陽湖

不住雙橈撥迢迢。竟夕中江脈吹駭浪沙。鳥背高風水勢蕪天濶。雲光破日紅鄱湖。今共昔百戰感英雄。潤雄

武昌諸幕友招遊洪山寺

涼颼蕭颯爽煩襟。就便沽樽儘量斟。寺有白曰山魁遊嘯谷太虛雲鶴下翻林。蘭萌暑雨香浮鼻。菓熟琵琶色綻金。欲向此間修淨土。盟心主社問誰任。

舟上幽峰丹晚探。畫樓精舍足歡談。蒼藤峭壁疑無徑。吠犬鳴鐘忽是庵。大澤蒲蘆多長養。溪山燕子悄呢喃。悠然梵唄飄空落。十二蓮花漏轉潭。

菊園感興

四章之二

余性好菊。時三百餘本。名流來過。詩酒倡和。茲以遊歸。佳種百不存一。覽景不勝生感。

木落西風感逝秋。夕陽歸鵲占梢稠。逢誰過客尋三徑。病我交疎卧一樓。鼠吟燕巢泥破落。架除瓜蔓子豐收。中宵羸得寒蛩語。韵致蕭蕭亦解愁。百數霜枝失主張。塩城何處覓芬芳。殘山日改樽前翠。刺藥難看牖下黃。籬格草攢釘在眼。石根藤

踞葉遮牆。茶鐺釣具。江湖物。屢伴孤懷。東遠裝
熊祖行 字繩訓。新昌諸生。廷尉梅亭長子。

紀夢

歌枕秋江五夜長。悠悠清夢過遙塘。荷花不向西。
風老猶挾殘芳。姪六郎 風韻 嫣然

贛州道

舟自萬安抵贛。關迢迢二百路。迴環狼牙。象石排。
洶浪鳥道。羊腸折。遠山十八。灘頭鷲下。上百千。絳。
手費危艱。利名如許。字難破。誰足荊州一笑顏。

中四句是實境是名句

次酬章宗之感懷

悔不當年擬列舟。行空天馬轆轤謀。冠軍可有中
山劍。垂釣虛懸明月鈎。既籍何心看白眼。馮唐多
恨上蒼頭。只今遙指青霄路。迢遞輸君百尺樓。

不寐東章宗之

玉漏敲敲到客舟。疎篷引月對穿眸。相思已闌元
公室。惆悵非關淑女洲。欲枕寒霜莊蝶去。忍聽秋
岬杵聲悠。何時得踐章門約。片席清風散鬱愁。

除夕前二日途次夜吟

遊子駕言返故鄉。梅花梢上剝斜陽。青袍欲浣松

國朝詩集 卷一
間露斑鬢輕。浮月表霜取。酌幾回。敲野店。認途還。屢對星。送。上林春色。明朝看。且飲椒盤一段香。

清新俊逸
不染塵空

蔡毓祥 字襲于毓元弟太學生

秋杪從湯亦廬師登鹽峯眺望

屐痕踏碎白雲關。放眼江天圖畫間。粉堞人烟寒。古木。鹽台。落葉滿。秋山砧。散悄。起蘆花。岬。漁艇叢。依柳樹。滂。具從許公能濟勝。丹梯有級更重攀。

滿酒
出塵

十六夜對月有懷家兄長之

夜涼天宇靜。樹漏月波清。皓魄還如昨。關山一樣明。魚書來幾候。蝶夢醒初更。圓影知同望。蕭蕭異

地情 三四
自然

壬午秋南屏門館開次 十之二

來往扶筇杖。相於文酒深。投壺天轉斗。叩鉢月生林。人自羲皇上。交存太古心。燭殘賡和好。桂露一

遊陰。秋風來簸簸。波皺一江秋。好鳥啣花逸。群魚撒浪

遊。暮烟村屋起。新月碧天流。何似輞川境。王裴樂

事謀。

秋醒吟東熊格齋作

螺峰窈窕撐空碧。丹楓葉戰西風撼。夕陽寒影下
鹽城門。館蕭蕭秋陰積。霜高九月菊未開。有懷欲
吐。又還默妙君騷壇。寄詩囊。壯采高歌惜夜長。匣
劍光芒蛟龍泣。神物會合知何方。君不見功名富
貴亦偶然。巧者俛得愚者憐。人生自有三不朽。嶙
峋骨格摩蒼天。荀卿窮老著四萬。魯連一笑千金
捐。為君解作秋醒吟。吾輩游戲汗瀆且快意。那能
掉牙。樹頭逐腥羶。
記得老杜神髓

仲春積雨

靄靄陰雲山欲暝。連朝苦雨到黃昏。綠楊堤畔王
孫怨。紫陌樓頭鳩婦喧。醉竹似垂湘女淚。殘花誰
覓杜鵑魂。三春滴滴空階響。無限淒涼畫掩門。

又五月十六日雨後作

一番好雨洒窓幽。珠玉真如萬斛投。暑氣階前水
影淨。泉聲樹杪楚天秋。不須子美煩心苦。頓遣相
如渴病瘳。最喜凭闌更後望。依然皓月照詩筩。

春遊憶舊

凝眸野外景相牽。惆悵風光換眼前。花朵濺殘紅
否。雨鶯散啼破綠楊天。杜鵑寂寂憐華月。蝴蝶翻

翻夢去年略約橋邊通酒肆春衣鮮當杖頭錢

秋夜睡起

宿醒初起正寥寥急柝聲除萬籟消殘夜月沉林
犬吠暗窻露濕桂香飄秋衣薄試侵寒露星火稠
環點碧霄閒倚石欄干畔立忽來清吹動芭蕉

韻致
瀟灑

彭翰

字步雲奉新人太學生著有淵泉詩草

禽言

行不得也哥哥山路坎坎坷水路風波坎坎坷蹇我足
風波覆我舸行不得也哥哥

簡括

阿姑姑阿姑姑三十年前未嫁夫花殘粉淡人無

影鏡裡誰鄰顏色枯阿姑姑

怨女棄士
憔悴相憐

後田山庄即事

繫彼耕鑿流築室岩阿裡屋上出青山灶下周泉
水蓄魚陂池寬取蔭竹樹美禾黍屈曲成腰鑣詳
婦子忽見遠人來欣欣而色喜秫酒漉新篘殺雞
蕪膾鯉不解飾儀文汗尊同太始明春買黃犢相
從結伴侶樹下鼓腹歌此樂誰能擬

百花洲

宛彼湖中央凌空結臺榭好風南北來荷珠自傾

國華言集 卷一
瀉。曲折周石闌。草花長不謝。高樹裊紅雲。飛閣枝
還亞。湖波鏡奩開。略約歌斜架。山亭石礫砢。狎狎
令人怕。青桐巢水禽。石竹眠香麝。踏藕役夫多。捕
魚宵不罷。或棹舴艑行。或向苔磯藉。秋光此處多。
襍被携良夜。洒然自得

次謝二漢三夜過見山韵

一燈山館寂。微論見幽襟。簾漾風聲細。更移月色
深。立苔憐瘦鶴。露露響羈禽。秋意冰人骨。低徊起

越吟。

三四
靜細

秋夜懷友

蕭瑟寒侵衣。蟾光透小樓。故人千里迴。鴻雁一
聲秋。菊蕊垂垂放。風聲漸漸稠。有懷雲樹杳。魂夢寄
同遊。

曇慧寺

香林幽絕處。烟靄六時同。門與諸峰接。行惟小徑
通。瀑泉春白石。寒日墮丹楓。徒倚清聞見。高閑遜
遠公。中四
老健

謁徐孺子祠

精金煨益佳。良玉厲不缺。先生際橫流。飭身何峻
潔。食力性所甘。組圭匪心悅。飄然物外遊。不與黨

人列至今越千年。知誰繼高節。再拜奠楸漿。西風吹鬢雪。

南坑禪舍訪潘大漁墩

南坑人境外。步屣愜幽尋。壓帽紅雲墮。環堦綠草深。軒窗餘十笏。風雨寄孤吟。箏笛紛擘剝。悠悠孰賞音。

秀幽

鄧材

字藝叔湖北應城人乾隆己丑進士

舟泊柘樹口懷舊遊諸生

遠山高似髻。新月曲如眉。停櫂南天望。舊遊見採芝。名山

兩岫青蒲幃。漫江漢水魚。開樽聊獨酌。心入故人

廬。

情至語

北邱中秋月下

當年此月照吾鄉。可愛團輝弄草堂。昆弟同依荆樹紫。兒童歡報桂花黃。星分雲斷南天迴。草冷沙飛北路長。轉覺嫦娥容亦改。相隨旅夜倍淒涼。

先生為人長厚與會高標辛巳侯客楚值先生秉鐸武昌黃雀樓頭常于風清月朗把酒賦詩

彭相后

字原新昌人著有介石詩草

旅懷

茫茫百感竟何如。望裡歸雲鬱不舒。巫峽猿號千

里夢。衡陽鴈斷一緘書。蒼黃烟水飛殘鷺。紫翠山
溪憶舊廬。回首最堪情。切處綠楊堤畔有樵漁。

春日登崇文塔

春日融天地。東郊翠漸流。柳陰閒白馬。草色點黃
牛。山意低秦嶺。江容小十洲。飛觀絕頂上。疑夢在

浮邱。

得登望之神

鄧遠

字程萬新昌縣諸生

秋日送別友人遠行

長江瀉不盡。一似別離愁。雲掛征帆日。天空旅鴈
秋。家遙時在夢。客遠莫登樓。珍重魚書達。心謀勝

面謀。

起似大江流日夜二句

新晴邀隣齋周錦波野遊無訪姚孚伯

浙瀝連朝雨。新晴物倍華。青天迴白日。碧樹掛紅
霞。水閣蛙成市。山喧蜂列衙。相期芳草畔。來問爾

東家。

杜用

趙永齡

字德徵南昌人

七夕後一日月下飲酒

今夕是何夕。共愛月明好。一鉤掛青幕。踈星皆皦
皦。涼氣靜中生。秋聲來樹杪。舉首望銀河。銀河已
杳渺。俯首聽寒蟲。寒虫鳴不了。

迥別俗運

王章 字文錦南城縣諸生

石磴瀉紅泉

石磴遺仙跡。瀨流一帶通。疑從天半瀉。喜並日邊
烘。繡谷添朱艷。丹砂映紫融。珊瑚凝碧澗。霞綺落
晴空。壘頂驚流電。溪頭訝飲虹。噴珠千點火。拖膩
一灣紅。可使蘋鱗變。堪施濯錦工。何緣康樂遇。鑒

藻起清風

工雅細賦

李璵 字曉山南豐人。小學生著有筠村詩草

擬古

中庭生瑞草。其氣如蘭芝。分來自幽谷。不知誰所

遺。南國有嚴人。乃在湘水湄。清風吹佩帶。白雲幻
裳衣。女蘿縈兔絲。同心永結褵。悵望杳渺間。不即
亦不離。煙波漫浩浩。按以長相思。
有兼葭秋水之致

良馬伏櫪悲。枯魚過河泣。悠哉去日長。追之不可
及。人言江漢廣。尚有橫舟楫。離思方寸中。奈何不
復給。翔雪晝濛濛。陰風時習習。鴻鵠志翱翔。離羣
獨自立。
所謂慷慨當以康

秋月團圍影。春樹連理枝。與君長記取。矢願不相
離。餓來驅人去。風景何凄其。月暗因雲起。樹凋感
霜飛。君抱蟾蜍性。縱晦不終虧。賤妾草木質。何以

當此時

不減漢魏樂府

少壯負驍勇。強弓素能調。搏獸斃猛虎。射禽貫雙
鵬。單騎走邊塞。意氣何矜驕。流雲拂鞍馬。斜陽落
佩刀。十載始得歸。哀此道路遙。秋風吹枯楊。萬里
何蕭蕭。黯黯日欲暮。所遇無故交。邱山多白骨。慘
慄摧心苗。

江水漾漣漪。映蓮何鮮潔。蓮子生有房。蓮根生有
節。紅退知秋殘。因風自吹折。紈扇避秋涼。狐裘苦
夏熱。過時乃棄捐。情疎恩六絕。憂盈本天經。安能
長固結。君看蟾兔圓。會睹清光缺。
識盈虛消息乃可以怨

春愁曲

達人占春喜。愁人占春愁。春喜時有盡。春愁日未
休。古今多少春愁曲。曲裡春愁填不足。一年一度
春還來。舊愁忽斷。新愁續。繁絲急管摧肝腸。皓齒
青眸當艷陽。我欲消愁脫狐白。滿買春醪三十觴。
嬌小閨人顏勝雪。對此歌之使愁絕。

秋池荷葉歌

秋水照紅紅。沁死翠蓋田田。漾清泚。長教懊恨采
蓮人。采盡蓮花采蓮子。風色凋殘秋已暮。只有蓮
荷生。不遇鳴桡歸去。逐輕颺。池頭空自凝香露。

重。可。憐。傾。處。濕。點。點。珠。明。荷。葉。泣。

意高辭潔
君子之品

粧鏡詞

綉歛曉。揭開靈蘊。月出紅粧看隱隱。可惜清輝閣上。生不照鬢眉。照脂粉。蕩漾菱花透水心。秦宮累費千黃金。只應長伴青鴛舞。莫使朱顏雙鬢侵。

秋夜即景而歌

白日忽墮青峰頭。明霞返照霜林秋。極目蒼茫鷗皆盡。暮山一抹烟嵐浮。清風朗月不易得。此情此夜長悠悠。長悠悠。曠覽之勞。生事如呼。晞流水東。西多別離。但見行人去鄉井。登高望遠懷所思。登

高令人怨。望遠令人悲。我懷日蕭索。所思亦何為。宵深羣動息。異類來相窺。葉既不能禁。鬼之狂笑而又何須絕。狐之精。疑雁。陟散。鬱輪。絕考。鐘伐鼓。歡喧豪。坐遣玉娥聞歌舞。解貂換醉呼兒曹。且拚抱。試開襟。雲漢昭回太白沉。牀頭薄物。夫何有。平生快意。輕千金。高歌獨許青蓮子。天下誰人知我心。
一不怨不尤
樂府之遺

咏竹六首

最契幽棲子。攀援尚此君。與時存古勁。隨處絕塵氛。葉密常披霧。梢長欲拂雲。邇來高臥穩。蕭籟隱

相聞。即物即人

自具千竿秀。爰開一徑幽。清陰偏却暑。微雨不勝秋。席地思移榻。通宵恐碍樓。偶因懷阮籍。林林意悠悠。

天屈還宜笑。翻空弄碧鮮。夜涼醒酒氣。秋露濕茶烟。相得何為者。無時不岷然。老龍遺種後。生長幾多年。得其性情

比來殊冉冉。向日甫斑斑。扇閣枝翻曲。開尊葉照顏。堦高天亦別。林外地皆閑。祇憶寒驚雪。愁余臥掩關。

芳華投所好。何者似林於。我意深憐瘦。人情絕忌疎。長年苔砌冷。永夕草堂虛。十載烟霞僻。煩君伴著書。

稍喜忘機事。游神獨徃中。影搖當戶月。聲撼隔窓風。所性從吾淡。此心貴爾空。逸情近泉石。清賞恁絲桐。六首靜掃俗態獨標。員羣詩中之竹也。

遊北蘭寺四首

沿溪木落大江波。一綫斜陽樹杪過。極浦蒼烟飛白鷺。斷山翠黛疊青螺。因尋禪地來經此。欲別塵緣不為他。見說招提留古刹。止觀空寂定如何。

妙相閑瞻笑裡花。寺門衰柳掛袈裟。不將心事逃
三劫。且把腸愁寄一涯。江水映樓開。蜃市秋風吹
浪捲。龍沙林亭舊。得楞嚴。麤炷冷烟銷。罷煮茶。
短草秋深護院牆。瞿曇感事舊沾裳。客囊空乏吟
風竹。旅興蕭疎扣佛桑。曲徑就荒山。欲暝小窓向
夕。閣生涼。須窮眼底滄桑態。惟有烟波疊嶂堂。
世界匆忙。庶夢回石闌底。亞暫徘徊。霜侵大社盃。
中歇雨點殘棋。局外催。日是三生了。未得誰教八
字打將開。何年不負青蓮約。一度花香一再來。

風流蓋籍
此寺傑作

初夏小園作

竹林深曲掩重扉。絡索金鈴燕子飛。一徑暗香風
裡度。燕支滿院謝薔薇。

熊勝景

字敬吉新昌人明經著有恪齋詩集

重九遊天隱洞

圓橋最勝境。在新昌透迤穿石腹。青天亂峰撐。閒雲峭
岩宿。大羅底裡參。三乘盤空谷。我亦愛登臨。魚時
更囊菊。浣手禮仙容。清風送香馥。老僧雅愛客。清
姿遺凡俗。秉燭岩角西。彷彿依天竺。南無法象懸。
非雕亦非塑。寺旁岩石隱屋上樵斧揮。狂歌入烟

霧野鳥間窺人飛泉湧瀑布混沌鑿何年蒼茫誰
與訴遊人筆墨多碑字皆殘靈太虛果空空鐘鼓
醒晨暮高興夕陽催龕燈影斜度何緣到此山指
點天堂路

興洽
碎雅

玉簪花

窓前雪魄乍驚秋表裏無瑕第一流不是良工雕
琢巧天孫遺下未曾收

海棠花

為愛春眠睡起遲粧成無力抹胭脂東風昨夜薰
殘夢一種仙姿帶露垂

聞蛙

紆青拖紫又何嗔况踞清池蔭綠蘋聒噪聲聲驚
客夢公私畢竟為誰人

紅梅 次郡伯韻

骨換丹砂幾度春冰肌瘦盡色鮮新朱門多少風
流樣誰勝羅浮第一人
重疊嬌姿暖氣侵去來映蹠自深深只因酣醉東
皇宴春色溶溶着滿襟

齋夜

寂寞高齋夜蕭然滿目秋殘燈依古壁孤月下斜

樓雁。喚遙。將韻。蛩吟。冷送。愁風。霜催。蕭颯。書劍。恨
淹留。宋玉。情空。切。張衡。興更。幽。何當。澆硯。壘。欲盡
蟻尊。浮。雨響 唐音

桃花帶露濃

青陽。煖淑。氣。紅萼。綻新。花。深淺。承朝。露。低昂。醉晚
霞。無言。都爛。熳。有態。足芳。華。濯處。江連。錦。湔來。帳
被。紗。蝶。迷。香。粉。重。鳥。拂。絳。珠。斜。若。向。漁。人。說。尋。仙
擬。泛。槎。雅切

春水綠波

淼淼。春江水。鱗鱗。漾綠波。葡萄。千頃。漲銅鑿。一奩。

磨湛。與天光。接。漪連。草色。多。鴨頭。全不。辨。雀舫。渾
無訛。鼓棹。初迷。柳牽。裳。或誤。荷。朝宗。太液。遠。蕩蕩
映晴。沙。

甘煨

字晦山奉新人工書畫古文名公多樂典
之遊以隱逸終

仲秋耕香庵有感

北窓。高臥。已多。時。野草。開花。映日。遞。交絕。舊遊。難
共話。咏成。新句。且瘳。饑。空山。埋沒。淩雲。賦。半榻。長
吞影。月。危。忽聞。數聲。霜。鴈過。封書。寄與。上。天。知奇句

春日武昌道中

春日。啼春。鳥。連山。氣色。佳。僧歸。明月。寺。人往。白雲。

國朝詩集 卷七
厓釣艇揚波疾。樵歌動客懷。無窮堪盼望。祇惜舊
形骸。

畫雨僧自高嶺來者

來自峨嵋嶺。行脚兩緇衣。口啣紅日。下手袖白雲。
歸。輕揚西佛帚。一掃俗塵飛。
三四 新廬

擬古

鬱鬱庭前柳。盈盈檻內花。衆鳥徒空逝。清風自一
家。尋山知別趣。步水不嫌沙。賞心書半卷。閒吟興
轉賒。夜坐狂吞月。晨起漫餐霞。箇中人不識。倚杖
聽鳴鴉。
寄興 深遠

陶成字

南城人翰林院庶吉士

新昌張母彭太君節壽

生員張虬妻年廿三
守志教二子皆成名

謝家子弟孟家孤。教得兒成血已枯。記取頻年風
雨夜。機聲燈影落鮫珠。

百仞崔巍天姥峯。等閒無數白雲封。君看冰雪調
刁候。紫翠清光逗頂濃。

附同題

邱上峰長寧

青青歲寒柏。耿耿抱貞心。孤舟中河泛。千古傳高
吟。

青青女貞樹。亦曰萬年枝。柯堅葉不改。歲月無窮

期。

青青庭中竹。高節雲霄矗。結實如貫珠。雛鳳藉養育。

青青千尺松。偃蓋如虬龍。曾聞泰山上。丹詔九重封。

四章童名有義次第井然

同題

温儀三原

舊學曾師禹。高明又相韓。平皋蒞蕙潔。幽閣楷模

端。半世甘孤影。三遷啟一難。松齡長並鶴。花誥佇

封。鶴後半工整

同題

周常衡南昌

君住新昌之同安。我住南州之荷湖。有母同稱節。

有子共名孤。母節何所似。卷施抽心。幸未枯。子孤

何所類。月落霜寒夜。啼烏作師藉。有母均知讀。父

書。吾母先週甲。君母正佩符。時值千山萬山裡。銀

杯縞帶。縱橫鋪梅花。枝頭出明潔。寺璫瑛秘醪。香

難隱。都夷那得如。若為母壽。發照曜在庭除。君不

見梅挽春回。千鈞力。若作和羹待。其實

孺人孫文學張大成出諸名宿所贈伊祖母節壽詩如林畧登數首以維風教

趙青達字在修一字竹窓奉新縣諸生著有華

妾薄命領試卷作

佳人素質美如玉。裙布荆釵坐茅屋。抹粉施脂總不如。時對紅菲理清曲。自傷薄命羞見花。蹉跎在暮徒倚復何之。獨上江樓對月華。月照蘆花兩岸。霜。賤妾開眸枉斷腸。欲向寒風訴消息。樹雲渺渺烟蒼蒼。借問隣家紫鴛鴦。兩鬢雙眉幾許長。

言外有不盡之致全不涉怨尤

飲酒

春色樓中置美酒。春色樓邊垂楊柳。楊柳青青思殺人。故人欲來頻回首。上有好鳥鳴枝間。下見游

魚躍水灣。游魚跳躍微風起。紫燕乘風空中舉。此時美景有餘妍。此地風光有誰憐。白墮連傾白玉鍾。且坐且臥楊花風。楊花着地渺無迹。浩歎一聲

山水碧。

婉而麗

柳枝

東皇着意染長條。嫩葉如眉媚野橋。眠裡不知春已改。風來猶自鬪纖腰。

雨後散步

愁人候未識。忽訝晚花黃。雨洗三秋老。風吹一徑香。身閑憐地僻。衣薄怯天涼。舊是歡遊處。偏今覺

黯傷

甘理齋師靈柩歸里

意緒支離百結中。忽聞回櫬逐歸鴻。冰衙永隔千秋面。塵土誰開萬古曾。蝶夢床邊思夜雪。鳥啼花外泣春風。獨貽清白澄如許。月映天心露滴空。

理齋為才人。為廉吏。近世罕見。觀以詩教。澤之感人。又可以知矣。

雜詩

未識心何為。回念忽長嘆。衆鳥寂然歸。風雲且一散。草木意餘暉。晚烟生漫漫。欲歸步難成。開窓燈已爛。牙籤尚盈箱。圖史直侵幔。將臥不能寐。披衣

起待旦。局促疎櫺前。星月何璀璨。舉首問姮娥。天香得母晏。古味盎然

哀情

幾歲真抱疾。淒涼不自安。獨居頻下淚。問心心益酸。心酸果為誰。而乃失其端。自顧寂無語。問天天漫漫。浮雲未忍玩。烏哺未敢看。此情禱無憶。一憶摧心肝。至性之言動人

平陰秋仲夜巡
暑退何曾睡。行竹月欲斜。疎星四五點。低讀兩三
家。市靜雁無吠。籌傳史不譁。千邨涼入夢。高枕最

國朝詩觀卷八

瑞州新昌王錫侯韓伯編次

男霖校字

彭亮

字克誠號拙園南豐人康熙辛丑進士官
山東肥城令著有拙餘詩稿

秋月夜泊

木落初秋夜。維舟野寺東。窓虛全載月。峽響半鳴
風。薄醉荒邨酒。遙聽隔岬鐘。漁燈時斷續。彷彿畫
圖中。

平陰秋仲夜巡

暑退何曾睡。行竹月欲斜。疎星四五點。低讀兩三
家。市靜雁無吠。籌傳史不譁。千邨涼入夢。高枕最

堪誇

長吏勤故
百姓安枕

平陰治中

嚴城剛里許。雨露日濛濛。不用鋪張術。依然太古
風。草肥歡牧豎。稻熟悅邨翁。作息尋常事。何如帝
力功。

宿楓演橋

楓橋何處是。日暮幾回看。木瘁山腰瘦。灘窮水面
安。歸虹驚市遠。倦僕怯衣單。不寐懷明發。誰嗟行
路難。

三四
琢煉

冬晚對雪

用王右丞韵

雪密歲云暮。寒梅換瘦顏。鋪排天不夜。縱任月欺
山。酒饋愁中樂。詩偷忙裡閒。包羅迷遠近。錯認是
鄉關。

無題

青齊離客歲。楓冷葉裝紅。策蹇囊携月。吟鞭袖舞
風。身非逃世事。人號信天翁。不作浮雲想。秋雲淡
蕩中。

立言
有本

雨後登杭州城隍山懷古

維舟薄醉躐層臺。萬井人烟襖底開。江上帆飛天
外檝。峰頭屐印雨中苔。金牌淚滴鶻花血。玉輦愁

凝雪浪堆羽客不知興廢恨空留鐘磬護山隈
泊三汊河同石奇峰分韻

古寺巍然踞要津。披衣趺坐絕纖塵。兩溪收盡雙
帆影。三面平分一塔新。閉戶鐘殘今夜月。推窓茗
話昨宵隣。凝眸漸覺家鄉近。把酒高歌屬散人。

渡江望金山

買得維揚舴艋船。長江飛渡碧連天。僧寮補就山
腰瘦。鰲背擎來塔頂圓。萬頃波光懸日月。六朝玉
氣變雲煙。夜闌莫話滄桑事。砥柱狂瀾任醉眠。

中四
雄壯

殘秋同揭履真家大卓亭話月分賦

涼宵話洽羨神交。潇洒襟懷俗務拋。不為夕談依
菊徑。幾忘寒信到松梢。綸笑織蜘蛛網戶。牖爭
營。斥鷃巢好月。莫隨秋色去。長留清影靜聞簫。

彭澤令

字慕陶亮之孫

中秋坐月

萬里懸明鏡。砧杵動地幽。涼風生木末。河漢麗清
秋水濶。浮鷗驚天空。轉斗牛。乘槎洵有異。八極覽

神州

曠濶

釣臺懷古

國草言
八
瞑色入林澗。溪聲散竹濤。交忘天子貴。象占客星

高雲水。諧心性。風塵改髮毛。先生千古在。流韻滿

江皋。

中四自然

湯斯祚字衍之號亦廬南豐人明經任新昌訓導刻有亦廬詩集行世名宿皆右之

古意

碧葉下高梧。搖光西射酉。門館晚涼初。池塘新雨
後。瑤軫質古月。美人擢素手。一彈碧山秋。數曲雲
泉吼。終調丹三嘆。海鶴別永久。昨夜歌鐘作東隣。
新娶婦。錦衾三十六。鴛鴦誇儂偶。少小挹區區。貞
白誓相守。願奉慶雲光。百年偕老壽。蹇脩不為理。

鳥鏡緘。裹厚塗。塗零露。繁吟蝨。依戶牖。佳期俟河

清紅顏。坐白首。

有志有守斯為奇傑

秋夜

西園疎雨歇。靜夜小軒幽。蟲語親苔井。秋聲近竹
樓。風霜經樹老。節序感螢流。不寐愁明月中宵。望
斗牛。

鄱陽阻雪

破凌槩孤艇。玄雲匝岼低。英雄百戰地。風雪大江
西。書劍飄零舊。湖山咫尺迷。無惺噩夢醒。三伴夜
鳥栖。

壯潤

國朝詩

卷八

湯斯祚

四

留宿五老峰紫竹林

鳥道何年辟。雲關盡日封。冰堅飛澗瀑。雲偃斷崖松。白象參清供。元猿定夜鐘。寂寥群動外。身在藐姑峰。

袁州

斜日辨袁州。楓林古堞秋。雲嵐深似瘴。潭水靜于油。地迴孤聞柝。山高半壓樓。鷓鴣詩句好。風韻憶名流。

老健

寄吳鄒荔堂先生

漢江千里月。五字寄愁思。豈意烹魚印。已為化鶴

期。風霜摧古木。生死托穹碑。

先生常以死後碑銘相託。欲有蔡

邕作銘成恐未知。

湘江道上

辨裝尚遲黃。花發老盡黃。花過城海月。復看三五近。楚雲遙破二千程。山愁越嶺堪頭白。酒醉蒼梧問醪清。昨夜忽傳黔羽檄。鉄衣吹角度連營。

澧江晚晴

浩浩蒼梧野。葭蘆冷聚舫。朔風吹海月。霽雪走湖天。煙際寒呼鳥。漁歌暝戛舫。何來橫吹杳。鄉思轉泯然。

思家

儘教兒女累鉗鉗。嫁錯黔婁餓不嫌。懷遠定知勞
鏡聽泥。禪終是費香拈。蛾眉感損山橫黛。鴉髻堆
疎雪。入奩聞知石田收穫儉。豈待春計慮薪鹽。

是至情
非襲語

除夕更深毛閣齋籠火顧余感賦

舊雨今誰至。天涯感歲徂。趣平燈喧偏側。判漏省
鰥孤。香爇爐添炷。厨寒酒重呼。交遊傾世上。爛熳
慨公無。

春日同何浣村謁郡舟次聯吟四十韻

城郭烟嵐至。何郊原曙色中。江光多暮歷。湯樹影
半曛曛。帆出清沙浦。何樓傳曉笛。風大生春載。傲
博望。慶無終。木德乘樵早。鈞仁幹造洪。慶雲濃黓

對湯瑞露。藹冲融。汀草遙鋪綠。何園桃細點。紅菜

花繁似。縵麥穎。擢如葱。逆上駢頭鯉。辭南。北翼鴻

青帘茅店側。湯垂柳市河東。躑躅簪新婦。何爬掌

趁小童。農歌村緩緩。津鼓晝逢逢。耕鑿家俱給。湯

桑麻樂自同。太平承午運。何薄官布。寅哀米嶺臨

隍。壯湯鹽溪帶棹。通髮絲愁挈伴。何手板分趨公。

濫厠羣賢席。湯榮瞻五馬駟。錦波明浩蕩。何碧落

時穹隆既式周朱業。湯還宜召杜功。紛綸才競爽。

何擊。蹠學誰工。擬畫殊乖虎。湯圖雕。總類蟲。竊容

存拙性。何幸假息孱躬。撫字推能吏。行吟狎醉翁。

儒齋孤嶼頂。官解萬山叢。首宿闌岑寂。湯封疆路

渺。濛不。愁。通。酒。債。耐。可。寄。詩。筒。下。榻。惟。徐。樺。何。開

尊。即。孔。融。帖。摹。藤。角。紙。琴。和。嶧。陽。桐。剗。燭。催。寒。夜

湯。掀。髯。嘯。太。空。有。時。思。悄悄。何。常。恨。別。忽。忽。隔。歲

舟。曾。纜。湯。連。宵。雪。壓。篷。牕。舫。天。炯。晃。何。甚。閣。玉。玲

瓏。不。足。談。鋒。銳。三。人。拇。戰。攻。圍。同。丹。怕。未。妨。詞。嘒。霧

直。欲。氣。凌。虹。日。月。真。奔。矢。湯。馳。驅。又。轉。蓬。小。居。斯

少。室。何。岍。憤。俯。高。嵩。滄。海。魚。龍。戲。丹。霄。鶴。鶴。狝。猿

猴。維。束。檻。湯。鸚。鵡。漫。嫌。籠。尚。覺。書。田。貴。何。後。航。道

味。充。他。年。雙。劍。合。湯。一。共。倚。崆。峒。何。貴。重。不。愧。双。辭

何諱經號浣村山陰人任新昌定崗司嘗與梅
怡園學博毛園齋中翰聯詩酒會侯忝與末座
或至達旦何詩多新
奇句讀此可知其槩

癸未秋杪次荅王濱洲

十八年識王濱洲。爛熳毛公訂古遊。余至新昌因
中翰毛公交

孝。叩。鉢。成。詩。傾。振。玉。投。壺。罷。鼓。笑。翻。甌。歸。山。我。今。

抽。簪。老。斲。地。君。來。拔。劍。秋。且。質。軍。峰。新。面。目。悠。悠

世事任虛舟。是年侯過南豐同公詩宴者不一
有見贈句云歲得歌詩老更健百

年青眼為誰開。又有句云：千古只今君事任。老夫髦矣，慨星星次年九月先生竟下世矣。侯以二絕挽之：昔年文酒會中山，鬱鬱蒼松翠栢顏。不道霜風偏作屬，忽推龍虎下人間。客冬杯酒宴琴臺，曾擬伏生好學來。九十傳經今已矣，囊中剩有錦雲裁。

羅一葵

字二含，號暘谷，宜黃人，歲貢生。

人日文讌次昌黎城南登高韻

人日集文讌，好景隨筆弄。即今兩日前，春到已解凍。觀光樂逢時，豈盡老無用。懷念古名賢，登高難與從。是處名城南，作賦韻留共。不飲何有詩，酒盞轟相送。山茗惟自煮，林下薄菲葑。久欲遂痴心，幾時任橫縱。漫嘲老益壯，終焉此倥偬。後學景前休。

靈辰幸見重

富春山懷古

雲山江水動神馳，千古風流更有誰。尚德渾忘天子貴，垂綸愈識故人奇。高懸名教三秋月，盡挹幽光四壁詩。老子堪同天地老，山含秀色水生湄。

秀穩

謁杜工部祠

在耒陽城東，號花洲公墓，在焉。

荆門東下滯衡湘，流落高踪有寢堂。耒水穀中留絕韻，花洲塚上發奇光。篇傳千古詩稱聖，名到終身死更香。遺像肅瞻成嚮往，愧余學步未成章。

靈谷山

秀鍾孤嶺上。靈應五峰頭。谷靜銅陵響。山空石磴幽。紅泉通碧澗。文篆映丹邱。晉代仙風古。謝池墨汁浮。巴華分鼎峙。臨汝獨中流。選勝冠昭武。天高繼目遊。

九日登卓山

龍山猶是卓山高。今古登臨豈憚勞。挈榼不須人送酒。拈詩敢用韻題糕。肅將冠正防風落。饒得年延倩菊操。向上峰頭天尺五。賓秋鳴鴈逐雲翱。

陳濬字巨川崇仁人優貢生

綠楊烟裊春晝長。沉香亭北萬花香。君王製得清平曲。教與花前吹鳳凰。玉靨生霞春夢起。閑愁不上蛾眉裡。欲使嬌聲發絳唇。為調新譜傳纖指。絕世曾聞玉樹歌。調成新曲更情多。人間吹作無窮怨。白日深宮柰樂何。曲中更奏霓裳舞。誰信漁陽有鞞鼓。驪山宮樹起秋風。腸斷香消馬嵬土。

婉轉流利足以為戒

黃道煇

字品山號補畬江西新城人壬午舉人

次涂十六佑進士憶桃花韻

不信桃花照眼開。金鈴響處首頻回。海州烟冷空

千樹梓。澤香銷漫。一杯採藥無心。春夢斷。依闌有恨。晚風催。王瓊尚住墻東否。悔不當年覓種栽。

楊沅南招同人集南湖書院

朝來一紙故人書。石瀨苔磯訪寓廬。帆影双橋風定後。柳陰四月日長初。白公翠壁題都遍。崔氏幽香畫不如。酒罷欲歸歸未得。高眠且得傍山居。曉赴殘醒尚未除。風懷猶似放船初。雨深巷陌行無馬。湖近笳箛食有魚。自托逍遙莊叟達。人言流滯賈胡如。平原十日終須償。好聽鞦韆下澤車。

送春

去歲離思久。今歸又隔年。片時風掠慢。一樹雨如烟。物態看如此。人情識自然。不須梅信發。回首白雲邊。

謝家素堂夫子賜煎牡丹

天香撲鼻勝初開。取次嘗來得味回。可是仙家調玉粉。便同寒具佐深杯。畢羅皎潔沾唇淨。杜練清蘇入齒推。秀色可食紅一捻。憑闌猶認太真栽。

柳花次牧溪弟韵

溪風欲借吹毛刀。吹向垂楊散雪毛。閑逐流鶯穿徑出。遠随粉蝶度墻高。數灣輞水飄孤影。十里隋

國朝詩集 卷八 九
堤點侍曹。彈指聲傳衣欲染。我情長繫綠絲條。

次素堂夫子見柳花浮水百疊前韻

欲取清泉淬寶刀。溪頭瞥見度霜毛。楚江夜靜隨潮湧。蕙澤天晴倒影高。此去悠悠成水友。先時點點冠花曹。藏鶯不識隨流逝。百轉相思掛綠條。

消夏四首和楊沅南韻

蕭齋書永坐忘年。紈扇生涼暑氣蠲。獨御長風拋馬。繼羞將喬木。受藤纏繩床。香靜聞疎磬。絲柳聲高咽暮蟬。赤脚踏水吾已解。絺衣相對一寒氈。凌晨啼鳥喚長檐。繚繞琴書韻正甜。廣廈三間栖

贈楊大正庭

梧葉飄殘咽暮蟬。西窓剪燭話纏綿。十年短劍悲彈缺。五字長城愧執鞭。近許雲霞追古誼。曾經風雨校遺編。愁予慣惹愁生疾。歲月蹉跎黯自憐。

春日即事

鶯花簇簇闌芳年。極目平林景色鮮。柳葉青歸千樹雨。松蘿綠鎖一溪煙。雲移小院琴嘗潤。簾捲高樓月正懸。塵事燈前應更少。龍芽細碾命僮煎。

贈郭大滌泉移館次韻

小別微吟酒力酣。高人才共斗山瞻。雲封片石琴

嘗撫花繞飛魚園有飛魚徑韻屢拈夜靜流螢依短架
春閒乳燕傍疎簾三冬學業長教富北苑穀華擬
更添

涉園冬夜有感

星回雁度五更天景物淒涼愁緒牽皓月一輪憐
兩殯先王母暨先大人柩俱停館側寒燈半壁伴殘年凭欄幾看
青霜劍倚案長懷白雪篇漏滴銅壺孤夜永風吹
木落聽蕭然

春日石溪即事

風雨經年守故廬何當此日嘆離居慈闈乍隔稱

伯仲後堂一筵扣洪纖歲徂門掩風常肅襟襟人
稀午不炎煙起博山茶熟後試磨清冽寫牙籤
懷人湖上獨盤桓接席誰如管幼安地近丹房留
鶴迹窓連果樹見袂冠風巾一角詩情遠夜酌三
商飲戶寬消夏吟成堪却暑冰啣應是領仙官
清簟疎簾辟荔門羲皇一榻渺思存濠梁興發輸
莊叟綸綌衣單念魯論塵尾獨搖塵自遠硯池頻
蘸色初渾芙蓉月下思君甚佇立蒼苔帶郭村

諸作皆渾雅不
戒玉堂風流

楊念祖字文山瑞金人著有觴齋詩鳴盛

過娘娘祠萬安江口

羣山收細雨。青黛入祠深。苔落鴛鴦瓦。風銷玳瑁簪。龍蛇留古意。花草見春心。別殿蛾眉遠。江流起夕陰。

推古

謝枝峯

字沅圃。瑞金諸生。著有果堂詩草。

過文丞相故址

山水同鄉國。今知丞相村。池荒風蝶亂。臺廢野花繁。報主悲天命。書紳見血痕。溪毛憑吊處。落日總消魂。

涂鶴

字鳴皋。江西新城縣諸生。著有蘄皖詩鈔。

觴少講舍初。睽問字疎。細雨斜侵三徑草。孤燈靜對一牀書。每懷夙契金蘭重。花萼樓前興有餘。

徐亭雨望

春浦長堤四望賒。遠山青翠襯紅霞。溪桃霧鎖漁人渡。岬柳煙迷處士家。鸚鵡樽中浮竹葉。鳳凰琴裡落梅花。載瞻滕閣風光迥。蕉雨香隨驛路車。

過南山樓故址

明徵君鄧潛谷先生讀書之所。

南山有高樓。結構喜不侈。伊古何人造。徵君讀書址。徵君富文章。適意在小水。著書多所暇。登高一徙倚。遠近排翠巖。左右列圖史。于茲百餘年。半地

荒煙裏。鶯花飛故國。堂燕巢新壘。人事有變遷。風景固如是。傑閣與高樓。區區何足恃。名山留大業。千秋動仰止。此謂人傑地靈

山居

偷然塵世內。卜宅卜深山。徑曲苔生靜。林空葉落閒。夢隨黃蝶遠。心與白雲還。倚杖柴門立。俗氛盡已刪。

涉園籬菊盛放集唐二絕

故園楊柳今搖落。杜甫幾處東籬伴月斜。張翥對此獨吟還自酌。劉禹錫此花開盡更無花。元稹

青楓江上秋天遠。高適搖落深知宋玉悲。杜甫紫艷半

開籬菊靜却嫌陶令去官遲。王维

吳紘字巨州乙郊舉人初任靖安學博工書法

洗墨池和韵任撫郡學泮沼之右

內史風流自古聞。今誰不仰右將軍。一池揮映臨川筆。六字表彰子固文。曾子固書晉王右軍曾識

奏疏籌國計。豈徒翰墨冠人羣。重新旧蹟依芹沼。奕代猶披晉代雲。

壬午長夏客昭武郡署寫懷

北遊浪跡轉南遊。關外關山疇外疇。也識半生都

國朝詩集
是夢尚存一息恐承羞種來粒粒書田粟坐穩茫
茫宦海舟余鐸靖時縣令贏得絲竿還把釣中天
明月照江頭知足不辱

道遙何必學莊周得一籌時運一籌醒眼原無蕉
下鹿盟心可有水中鷗乾坤過客名同利日月跳
丸春復秋冒暑尋來思避暑冷官徧許熱官留

閔居雜感

閔居幾載儉于家曉報鷄人自煮茶
予嘗聞鷄而起嘗自烹茗
不呼童僕洪筆半生為耨耒案頭也放四時花
道非身外更何求用掃地焚香一座幽閒聽鷓鴣

吟鄭谷咲看蝴蝶夢莊周洒然自適
長把清心對玉壺客來飲酒不妨沽騷壇日雨驚
回首十輩風流九輩無

秋吟步韻五首

吹下井梧一葉秋觸人情緒思悠悠隱之安節寧
牽犬季智省愆祗搏牛容倚南窓容嘯傲觴開東
閣預俳優主人秋前一日優觴鄉書有鴈因風便咫尺雙姑
可自由

邯鄲不作夢中遊家世硯田歷有秋風送藕花香
未盡月穿桐葉影遲留洗書長咲三杯怯攤飯短

眠一枕幽此日消閑聊自遣放懷天地寄蟬蛩
茗椀詩筒列案頭鈎簾雨後篆烟浮蟪蛄看織簷
前網蟋蟀聽吟枕畔秋肯冒險時饒寸舌於歲拙
地炯雙眸呂黃文行標前代可許後人尚論不性愛

呂維祺黃淳耀
二先生文集

爽氣橫來暑氣收年年到此倍清幽
宏渚愛月代題庾亮樓屈指不堪輪甲癸驚心無
那滌春秋長安日下恩光近玉律應霑湛露稠
天涯是處看牽牛巧向人間乞得不曲院睽吟慚
學杜虛堂臨帖枉追歐滑稽近尚東方容放遠多

稱此阮流如我迂疎無所似橫吹短笛度清秋

先生諸作恥近
凡俗巧不傷雅

題醉八仙圖

中條山下通元隱摩挲酒榼天為徒雲房煉氣終
南谷出度純陽講陰符純陽數斗詩題壁酣吟嘗

過洞連湖結陽題岳陽接句三醉岳陽踏踏行歌

唐逸士濠梁乘醉返蓬壺藍采和唐逸士也行市

樓乘醉韓郎解造逡巡酒一瓢世界挂清夫韓湘

清曹公不作皇家舅黃河一渡上天都曹國舅皇

得道零陵市女人不識瑤池會上本仙姑零陵市人

女孔目傳來一鉄拐。紫府瑞氣繞丹爐。李鉄拐字也。孔目王母
賜以鉄拐封紫。今朝快覩群仙集。玉液瓊蘇齊大
府少陽帝君。醜雲。璈響。奏跨。鸞鶴。駕與。黃堂。作壽。圖。

不獨法擅杜陵兼可博故

吳祖馨 字昭孫宜黃人著

仲夏月夕偕同人過曲江書院小飲

良宵景物湛俗氛。未堪攬約共訪故人。招邀集遠
眺步出小城門。不于郊原道。是時夏正中。熱景生
懊惱。喜得明月靚天中。掛皓皓時一。望嘉禾計日。
可收藁。筇鞋不覺潤。踈露點豐草。一徑入茂叢。朦

朧樹色好。中有小幽齋。曲江環以抱。犬吠知客來。
主人相待早。箕踞暫憇足。清光恣意討。手執軟葛
巾。涼風驅餘燥。斗室林為衛。南山嶽作堡。墟落景
沉沉。嘯詠風塵表。一穀鷄漫唱。音度出林篠。共欲
不遲留。慙慙杯酒紹。為感主人意。少坐復相擾。既
醉難久停。一天練影皎。相送出柴門。烟光正渺渺。
明月西將下。隱映繁叢杪。村鷄且乱叫。泓然露欲
森。聊復一迴顧。山齋下縹緲。緩步入城門。寥寂人
音少。分手各歸廬。耿耿夜欲曉。遠過秉燭遊。擬勝
剡溪棹。坐看天明時。曙光忽皎灑。點筆紀勝遊。昨

夜丰神。繞。

委婉多風
不愧勝集

中秋夜登城上樓玩月

向夕招邀得勝遊。寄情縹緲之峰頭。萬疊平鋪環
不斷。層城中擁一孤樓。君不見樓柱亭亭空際處。
巍峨險巖占高所。雲霧劈開天地大。聳來明月正
當寧。月色蒼涼無限情。徘徊此際繞飛甍。作勢千
峰送。塵來縱橫排闥望中開。伏疑斷兮懸欲頽。山
外疊山小如杯。匹練澄江淡脉脉。一泓秋水靜融
液。隱現漁燈不見人。歛乃一殼天水白。入眼清高
都領略。颯颯松風起萬壑。我欲因之踏諸境。峰頭

鶴背露華落。崎嶇迴步逐城低。遠寺分鐘入耳時。
夜景蕭蕭衣袂冷。蟾宮有路目豈迷。舉頭長嘯月
色熒。待碾颺輪上青冥。

興會
颺舉

自嘲

太息南溟遠。翻翰事有無。風塵双白眼。天地一愚
夫。擊劍心何壯。吞舟氣未孤。十年猶故態。吾亦久
嘲吾。

夏日小齋偶興

碧草池邊茂。綠蘿松下舒。閱堪驅俗累。靜亦愛吾
廬。落日侵波迥。薰風入隙疎。興來方得句。隨意寫

清虛。

仲夏月夕池上納涼

仲夏炎蒸極。良宵皓魄侵。偶臨曲水座。獨得靜觀心。露潤迴枯蘚。風清縹碧潏。飛螢三五點。時一薄叢林。清幽

新月次家釗堂伯父韻

何處微弦着影浮。夕陽山下夕陽樓。黃昏小照添銀蒜。碧落斜痕嵌玉鉤。乍薄林巒驚半面。欲函天地入纖眸。嫦娥有待舒圓鏡。一抹清光靜底求。

寫物甚工

夏日微雨郊外晚眺

蒼然一望遍郊圻。幾處田廬竹掩扉。疎雨斜風樵子渡。小橋灣徑牧童歸。高低積翠浮烟重。隱現殘虹掛影微。日暮東皋憑竚立。江城如畫景依依。

秋江

皎滄晴川水拍天。空青上下景相連。蘆鴻淺浦添泥爪。蓴鱸秋風泊釣船。微雨斜侵矼畔路。半江掉破夕陽烟。憑欄目極波心外。入夜金蟾浴魄鮮。

盱江郊行漫興

斷續樵歌斷續風。仙山靈氣有無中。繡經內史歸

何處依舊姑峰夕照紅。

酬余二礪山

昨日瓊箋錦一函。傳封接寄小書龕。幽蘭露下遲
遲讀。絃外清冷。味外甘。清芬襲人

李清秘字耐秋南豐人清馥弟

琴臺懷古

披棘上琴臺。四望神寂寞。白雲沉空山。蒼烟出岩
壑。哲人嗟已遐。但見餘花落。憑吊幾經春。感喟還
如昨。人生天地間。形骸匪漫託。思從古人遊。令人
焉敢薄。語溫而意厚

壺公石

石榻千年在。岩虛花木香。鹿啣芝草餌。鶴隱曙雲
翔。丹竈苔成篆。仙人荔作裳。懸壺事已渺。姓氏歷
滄桑。

送符大衛廷之南昌

送客臨清渚。春回淑氣初。斜陽江上老。漁火岬頭
踈。歲暮今分手。交深誰似予。別來獨悵悵。遙望白

雲書。

三四老到

舟中

扁舟迴一水。秋思滿蒹葭。山遠浮晴黛。江空走白

沙微吟當日。落殘夢。接天涯。蔓蔓沿堤草。中藏紅
蓼花。

過東林菴訪函谷上人

野寺無人跡。山雲撥不開。古藤嗒曲折。鳥道水縈
迴。經席花初散。牕櫺翠欲來。老僧催晚餉。剪韭摘

青梅。

雅幽

寄懷建寧朱大禮南

別後春頻換。相思百感侵。鶯花三月老。風雨九秋
深。聚散同浮梗。悲歌入古琴。有懷誰共白。杳杳一
知音。

與鄧二小山伯氏。秋過西來寺

古刹西郊外。長城繞帶圍。野花晴鳥亂。春草白羊
肥。客至談高石。僧閒補破衣。何須依鄭谷。即此便
忘機。

益藩城懷古

藩城今住野人家。長短墻垣落落花。天姥峰高雲
易過。小姑山近日初斜。宮樓久不調香粉。綠瓦居
然覆白沙。轉出石臺尋輦道。一溝流水一穀蛙。

杜鵑花

千年精魄恨何平。化作花顏媚態生。微淚似垂紅

點點芳心如吐血猩猩。春山難入巫神夢。夜月空懷蜀帝情。無賴度過寒食候。一枝枝付雨中聲。

南渚旅懷

浦口鳧鷖占淺莎。片帆搖動客南過。雲迷蓼渚西風惡。夢入蘆花北鴈多。梅尉宅荒秋弔古。淮嬰城圯暮悲歌。章江江水朝朝滿。去去來來人為何。

綠珠樓

寂寞朱樓烟霧屯。墜樓人影月黃昏。捐軀已斷風流孽。報主頻憐玉碎魂。只道鬚眉能仗節。不期閨閣反知恩。明珠三斛真無價。買得嬌容殉九原。

岳陽樓

渺渺煙波夕照西。岳陽樓望片帆低。巴湖水曲三千澗。堯女峰稜十二齊。花酒仙神難問訊。宋唐才子共留題。漫橫玉笛吹殘月。吹動春心客思迷。

銷魂橋

灞陵春曙露將稀。橋號銷魂魂欲飛。野店風霜鷄醒夢。長亭煙月柳牽衣。花辭故樹今朝別。水悵離情幾日歸。迢遞相思悲玉笛。馬頭芳草綠萋萋。

千秋橋

月華峰下水悠悠。橋枕長江障百流。萬里帆飛風

一葉三春花。度歲千秋煙。沉東北金山暮。潮打西
南鐵甕浮。不見玉恭車從過。兩堤衰柳卧芳洲。

三四
工整

秋蝶

曾逐遊蜂過曲湖。又經蕭瑟冷平蕪。斜陽衰草柔
情斂。暮雨秋煙粉翅孤。自憶芳菲穿柳眼。不禁寂
寞。拔花鬚。滕王落筆傳神致。應寫西風入畫圖。

登席帽山望秋

蕭蕭木葉下寒臯。席帽山登載濁醪。九日花香簪
水髻。十年詩債鍊風騷。雲低西岱墟煙上。鴈過南

臺秋思高。環繞琴城歸畫軸。一番吟嘯一番豪。

答黃二客橋都門寄懷之作

詩酒盤桓共憶君。鉢亭猶是舊離群。人居蕉葉黃
昏雨。夢逐梅花驛路雲。地北寒山秋易老。天南孤
鴈唳難聞。遙傳一字珠璣重。况復新詞寫練裙。

沉壯

征婦詞

憶昔少年別。怕君念妾顏。至今妾已老。腸殺望夫

山怨而不怒

湯大方

字為之。號翠含。南豐人。雍正
丁未進士。現任南昌府教授。

國朝詩見

李清畝

二

麥浪次盛脩和八韻

江水滔滔月孟夏。濤掀萬頃勢東下。那知麥灑干
畦青。平原翠浪並東瀉。眼觀刺繡紋添新。針在風
姨手。一把初如嬉笑風微颺。層次淪連統村社。倏
如颯颯風欲飄。處處灑翻艷而雅。終如颺毋風欲
狂。千山可撼賽奔馬。明昭上帝貽來牟。波漾晴空
匪今日。且與君一曲歌三終。絕勝繁絃韻瀟灑。

麥字浪字刻劃盡致仍不失大雅

贈明經王殿邦

當代風騷客。潛靈幾歷年。

王君刊刻故詩人饒定九定餘兄弟詩集各種

並所作詩集惠余

誰將花樣出。並燦錦囊編。雙眼留青白。

孤情寄往還。由來滕閣勝。名以子安傳。

孤雁

蘆洲誰是伴。一縷渡江烟。影隻明蟾凍。穀高刻漏
傳。連羣催北鄉。索處憶南天。叫盡離愁緒。何勞月

下絃。

三四似杜餘亦穩切孤字

秋水禁用本題字

烟林經雨洗。流入大江清。巨浸干尋碧。長天一色
明。浮光賒月色。爽籟接灘聲。客邸難為夢。蒼茫此

夜情

雅切秋字不露形迹

富春山。茲山盤紆繞西浙。君今繩武山可攀。朶朶
卿雲爛熳出。等閒竝作浮雲觀。山外有山一泓水。
高山流水非人間。

豫寧懷古

懷古含悲怨。經年此索居。柳山精舍迴。鄭水草堂
虛石鑿庵前。水江儵爨下。魚何時欣聚首。觴詠興
多餘。用古無迹深
於懷古者也

題黃孝子祠

元史黃覺經字一真南城人因
亂失母孝子衣僧衣行乞走四
方尋母三十八年至
汝州遇母於宋氏店

母氏生悲別。孤兒死誓尋。一腔真血性。萬劫不灰。

心。至孝通天地。明禋肅古今。堪令行役者。瞻拜汗
盈襟。庸行亦奇行不
可不傳以佳什

九日雜興和胡古邱次湄村暮春東湖原韻
檢存八首

塞下賓鴻朱戶外。騷壇上客畫堂東。洞簫曲唱三
春月。短笛橫吹九日風。江濶雲閑澄寶鏡。霜高葉
落。老孤桐。閑繙子略搜奇秘。一卷新書是鬻熊。
鳴箏午院蒺藜遲。惆悵伊人在水湄。樂府新詞翻
白紵。茅齋舊蕪老青絲。啄餘香稻來鸚鵡。躍出紅
鱗飽鷺鷥。鷺鷥有客手。談懽笑倒局。殘幾度不成棋。

東鄰酒債正愁余。又把萸香送散廬。遠岫參差摩
詰。盡清流。映帶。右軍書。風微斜。落疎疎。雁水放偏
來。陣陣魚荒。圃有蔬。栽未晚。呼童荷鍤。趁雲鋤。
幾度悲秋。強自娛。喜來門外客于于。情同莊叟翻
蝴蝶。韻洒都官。號鷓鴣。繪水添紋。風似響。烘雲托
月影。難圖。個中真趣。隨人領。酒盡壺傾。沾不沾。
賭酒輸君未肯降。短長歌去喜同腔。鈞天廣奏簫
韶九。清夢遙馳。冀闕雙雁陣。雲箋看自寫。龍文筆
力倚。誰扛叅軍。今日風吹帽。賓館叨陪樂此邦。
極目蕭林草樹齊。漁歌樵唱繞沙堤。霜空半沼侵

衣冷。木落叅天影。日低村舍。穀登高似阜。荒園果
熟下。成蹊徐亭好友。懽趨過。相送柴門路。轉西
憑空清嘯上層臺。映日湖光照眼開。花落殘紅爭
綵剪。衣添新畫。想雲裁。萬家烟樹。攢圖送一陣寒
鴉噪。暮回獨倚欄杆。頻眺望。南屏佳話。雁啣來
曉起烟雲縵。翠微龍山勝會至今非。午風碧浪蕪
天湧。秋日丹楓滿地飛。瘦減花叢金谷柳。濃添粉
黛絳綃幃。夜來早放松梢月。歡看兒童繫伴歸。

八首章法井然用古
而化火候純青矣

邱大英

字

號杜洲南豐人甲戌進士

首夏秋屏閣聽琴

愛古由來不薄今。清商妙律應鳴禽。冰弦凜咽波
紋。滋玉柱。迴環翠靄深。南浦沙洲征雁落。東湖石
洞水龍吟。昔年曾度涼州曲。珍重知音寶匣琴。
雲廊水殿理瑤琴。誰續高人白雪吟。三疊繁歌雲
鬢。飄五絃。曼奏水悠深。殘紅歷亂枝頭蝶。暗綠迷
離葉。底禽清淚珊珊凝。望香江。峰青峙。到而今。

清音逸韵
浴耳針砭
邱心永字敬年大英之子

金陵懷古

曲阿豪雄擁雄兵。鼎峙三分霸業成。宮廢千年春
草綠。堞空十里月輪明。於今赤甓多殘壘。終古江
東見舊城。立馬河干頻悵望。秣陵山外遠峰平。

悠然
不盡

晉

陰雲黯黯壓長空。一望寒原思不窮。帝子志荒忘
洛社。銅駝淚隕立西風。謝安謀國心多暇。陶侃臨
軍膽自雄。千載才人留姓字。至今詞賦重興公。

宋

莽莽乾坤一戰場。諸臣戮力輔明王。運籌有計推

宗慤作賦何人比謝莊。太極殿荒風自急。凌歊臺廢草先黃。長城壞後英雄盡。日暮林鴉噪夕陽。

齊

永元遺事嘆紛紛。有客徘徊立水濱。烟鎖空林迷過鳥。潮來別浦斷歸人。至今閣內蘭香謝。當日空中蓮步頻。楊柳不知興廢恨。靈和前殿幾經春。

梁

平川木落白雲涼。風响長空亂雁行。宮殿有情延日月。君王無力守封疆。講開大乘法。天花散捨盡三身。帝子亡今日。尚傳梁武懺。漫言因果事荒唐。

陳

江南天子好風流。逸事寧為國社憂。結綺館中開夜宴。水晶宮室聽更籌。落花賦罷人心去。玉樹歌殘。王業休。井底至今惟白骨。月光猶照舊粧樓。

識力筆力
追蹤前人

曉發金溪

群鷄亂叫天欲明。膠膠角角鳴渡鳴。客子手自點燈起。僮僕嗷嗷不肯行。口乾舌枯飯難咽。伶俜瘦影踏殘月。最苦昨宵夢裡歸。可憐容易成離別。

遊仙詩

青蛇飛出楚天秋。海色浮空照玉樓。昨夜蓬萊山上望。月明萬里白狼洲。

萬山環處是旗亭。亭下流霞酒正馨。醉後道人清睡穩。松花滿袖夢初醒。

飄飄欲仙

春遊

踏破春苔色。春泥印屐痕。鳥散紅雨路。人影綠楊村。絲裊風初定。沙晴日正暄。畫船何處繫。笑語隔溪喧。

詩中有畫

晚泊西溪河

西溪日落起邊哨。北風蕭蕭畫角叫。曠野無人荒

樹多。赤狐前趨山鬼跳。扁舟夜泊小岬曲。孤燈昏暗影獨宿。中宵驚起立船頭。四郊悄悄螢火綠。

譚必大

字贊周南豐人

過楊三姐墓

拂拭殘碑意黯然。紅顏長此怨芳年。茫茫夢裏悲蝴蝶。寂寂春深哭杜鵑。綠水有情山下咽。碧苔何意塚邊鮮。花開花落常如此。愁絕江南二月天。

李之芳

字芬野南豐人拔貢著有半林詩舛

東市中元燈

七月東市中元節。繒綵燈樓沿街結。琉璃錦繡作

屏風光如白晝明如月。對對燈輪左右旋。中間熒
 熒闐奇絕。鯨魚鱗甲吐光芒。山棚層壘障截嶽。走
 馬馬走回環飛流星。錯落巧抽批。金鏡歌板聲喧
 然。驚動車騎街滿填。摩肩拉手浮行看。老少男女
 交呼喚。五陵公子伴不羞。直豎雙眼覷樓頭。樓頭
 探出如花女。珠翠橫斜香汗流。香風撲入公子面。
 吹簫之聲尚悠悠。勸君莫戀樓頭女。勸君且醉杯
 中醕。幾多紅袖曳綺羅。一旦色衰罷歌舞。回首朱
 門豪富兒。五花典盡襪衫補。人生恰如此。夜燈熱
 時團聚冷。時冰君不見。年年此日燈相同。年年看

燈人不共。又不見前日。西市鬧烘烘。今日繁華又

轉東。

千回百折
提撕夢覺

謁麻姑仙壇

齊雲峰下碧煙團。帳殿深沉日色殘。橋斷龍門餘
 瀑布。香銷麟脯失仙丹。飄零謝屐踪何處。剝落顏
 碑字不完。止有胡公松十丈。年年風雪掃荒壇。

雅切

登滕王閣

高閣臨江疊浪紋。江頭旅思觸紛紛。春風蛺蝶收
 圖畫。秋雨帆檣掛浦雲。檻外好山留一序。客中樂

事剩三分。寒芒劍隱豐城路。日暮凭軒酒半醺。

送家句南之山西

東門執袂送遲遲。野色蒼青接酒卮。三晉關山雲
外客。五湖煙月道中詩。馬馳落日嘶芳草。笛吹離
亭折柳枝。西顧茫茫頻惜惜。秋風秋葉兩相思。

琵琶亭

潯陽舟楫往來賒。繫纜重尋舊酒家。一曲秋風傷
老大。千。年。夜。月。怨。琵琶。江亭宴罷濤聲咽。驛路愁
深鴈影斜。今日誰傾司馬淚。潯。淞。滴。滴。洒。蘆。花。

遲月

涼光未卸夜悠悠。待月清宵笑語留。楓葉晚秋歸
倦鳥。蘆花淺水繫漁舟。菊開東閣遲行酒。人倚西
風嬾下樓。玉笛一聲簾幔捲。半弦初出碧雲頭。

舉頭望明月

舉頭望明月。相看明不滅。未審嫦娥心。比妾誰婁
切。

夫婿別經年。舉頭望明月。天上與人間。一樣有圓
闕。

萬戶擣砧杵。聲聲傷妾神。舉頭望明月。偏照斷腸
人。

已不繡鴛鴦。何心理雙襪。相思訴與誰。舉頭望明月。
自然

征婦詞

無定河邊音信稀。孤鴻盡日只南飛。也知塞外思家久。爭奈金釵贖不歸。

相見灣

輕舟駛槳下江關。飛入江心相見灣。莫道灣中相見易。霎時隔斷數重山。
清

柳枝詞

灞陵携手意遲遲。過客魂銷折柳枝。只恐長條都

折盡教人無處寄相思。
更進一辨

李象井
字星泉吉水縣諸生著有浣雲詩鈔

咏蟬

老樹有和風。疎枝流清響。清響不可倫。嗟嗟來十丈。斜陽已滿林。復催明月上。
悠然不盡

晚眺

黯黯欲黃昏。浮雲天末起。歸鳥沒長空。飛帆不可止。幾處牧笛聲。牛羊渡淺水。石火電光中。茫茫將何以。仰首視青天。長嘯秋林裏。徒倚復歸來。空山落松子。
磊落自賞

飲酒

拔劍酒半酣。座中曲未已。曲終酒更闌。皓月沉流
水。水月生。夜寒遙映霜。絳紫。

愛蘭歌

園有蘭兮色如玉。氣如露。清潤為誰顧。蘭兮
真芳馥。愛爾情深憶幽谷。

書懷

芟刈揮鎬鉞。不如礪鑱取。耕耨驅驂騮。不如拊犁
股。志士貴守時。投寶慎其所。所以隆中人。抱膝吟
梁父。

旅邸逢秋

生涯不可問。况復又經秋。鬼嘯空山月。燈明上水
舟。尊前唯看劍。愁極但登樓。玉笛吹何處。淒淒未
肯休。

促織

切切傳秋信。燈前老一生。高憐殘月影。猶作斷腸
聲。已有怯寒意。得無長別情。西隣擣衣罷。機杵徹
宵鳴。

留別郭理分

堤柳千絲綠。春城芳艸微。西風添別恨。細雨點人

國朝詩集
衣野樹隨烟斷。沙鷗背客飛無將。今日意魂夢繞
柴扉。

春日郊遊

山村多野意。幽徑州萋萋。柳綠黃鶯眼花紅。白馬
蹄春田。三里秋曲巷。一聲雞歸去。揚鞭晚。江干水
漸低。

聞蛙

耳邊閣閣漫相催。鼓吹梵音遮莫猜。沿岬半隨樵
語響。隔隄遙送釣竿回。月斜艸磴風初起。人立煙
潭雨欲來。為愛山居深寂寂。潛驚節候近黃梅。

訪香雪堂遺址

同江盤谷是吾鄉。舊址猶存香雪堂。鏡閣風高搖
黍稷。梅岵日落下牛羊。疎星幾樹無人跡。淡月三
更滿地霜。莫教子規啼到曉。無邊烟雨共蒼茫。

留別丁惠齡

滌滌細雨艸橋邊。行馬連嘶遠客前。我去君無翹
首望。杜鵑啼斷綠楊烟。

樓望

危樓百尺倚烟蘿。萬疊青山入戶多。牧笛一聲春
雨斷。野鴉飛下夕陽坡。

無限
含蓄

古意

寒風颯颯動江關。細雨蕭蕭戍未還。少婦但愁邊
塞冷。黑雲五月凍天山。

奇句

